

Na osnovu člana 27. stav 1., člana 32. stav 1. Zakona o Fondu za zaštitu okoliša Federacije Bosne i Hercegovine („Službene novine Federacije BiH“ broj: 33/03), člana 7, člana 33. stav 1, člana 34. stav 1, člana 36. Statuta Fonda za zaštitu okoliša Federacije Bosne i Hercegovine („Službene novine Federacije BiH“ broj: 33/06), Programa rada i finansijskog plana Fonda za zaštitu okoliša Federacije BiH za 2012. godinu na koje je Vlada Federacije BiH dala saglasnost V.broj: 383/2012 i V.broj: 384/2012 („Službene novine Federacije BiH“ broj: 29/12), člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda („Službene novine Federacije BiH“, broj: 73/10) i Odluke Upravnog odbora Fonda za zaštitu okoliša Federacije BiH o raspisivanju javnog konkursa za korištenje sredstava Fonda (broj: UO-6-32-2-1/2012), Fond za zaštitu okoliša Federacije Bosne i Hercegovine r a s p i s u j e:

JAVNI KONKURS

za korištenje sredstava Fonda za zaštitu okoliša Federacije Bosne i Hercegovine za realizaciju programa, projekata i sličnih aktivnosti iz područja zaštite okoliša

I. PREDMET KONKURSA

Predmet Javnog konkursa je prikupljanje prijave za programe/projekte za raspodjelu sredstava, a koji se odnose na sljedeće:

LOT 1. Sufinansiranje programa, projekata i sličnih aktivnosti sredstvima prikupljenim od općih i posebnih vodnih naknada, a koje obuhvata:

1.1. Programe, projekte i slične aktivnosti iz oblasti zaštite voda koji su od značaja za Federaciju BiH, a obuhvataju projekte kanalizacionih sistema i postrojenja za prečišćavanje otpadnih voda urbanih područja - općinski/gradski centri, odnosno regionalni sistemi,

1.2. Programe, projekte i slične aktivnosti iz oblasti zaštite voda, koje se odnose na: zaštitu izvorišta – vodozaštitne zone (koji podrazumijevaju izradu elaborata, provođenje mjera zaštite na mjestima gdje su elaborati urađeni i donesena odluka o zaštiti izvorišta), održivo upravljanje otpadnim vodama, podsticanje održivog korištenja voda, monitoring kvaliteta voda i slične aktivnosti koje su u skladu sa Poglavljem 6. Zakona o vodama FBiH („Službene novine FBiH“, broj: 70/06).

LOT 2. Sufinansiranje programa, projekata i sličnih aktivnosti sredstvima prikupljenim od naknada koje se plaćaju pri registraciji motornih vozila, s ciljem podsticanja smanjenja zagađenja zraka od saobraćaja, a koje obuhvata:

2.1. Programe, projekte i slične aktivnosti smanjenja emisija štetnih plinova od saobraćaja,

2.2. Programe, projekte i slične aktivnosti poboljšanja, očuvanja i monitoringa kvaliteta zraka.

II. PODRUČJA AKTIVNOSTI PROJEKATA

LOT 1. Sufinansiranje programa, projekata i sličnih aktivnosti od sredstava prikupljenih općim i posebnim vodnim naknadama, a koje obuhvata:

1.1. Projekte koji su od interesa za Federaciju BiH:

- Projekti kanalizacionih sistema i postrojenja za prečišćavanje otpadnih voda urbanih područja – općinski/gradski centri, odnosno regionalni sistemi koji predstavljaju projekte od šireg značaja i koji su već kandidirani kod nadležnih federalnih institucija za finansiranje.

1.2. Ostale projekte iz oblasti zaštite voda:

- Projekti zaštite izvorišta koji podrazumijevaju izradu elaborata, te provođenje mjera zaštite na mjestima gdje su elaborati urađeni i donešena odluka o zaštiti izvorišta;
- Projekti održivog upravljanja otpadnim vodama;
- Projekti podsticanja održivog korištenja voda;

- Projekti monitoringa kvaliteta voda i sličnih aktivnosti (u skladu sa Poglavljem 6. Zakona o vodama).

LOT 2. Sufinansiranje programa, projekata i sličnih aktivnosti od sredstava prikupljenih naknadama za okoliš koje se plaćaju pri registraciji motornih vozila, a obuhvataju:

2.1. Projekte koji se odnose na zaštitu zraka urbanih sredina u smislu smanjenja emisija štetnih plinova:

- *Odgovarajuće Studije javnih ustanova i privrednih subjekata, koji za rezultat imaju izradu razvojnih programa, projekata i sličnih aktivnosti iz oblasti zaštite zraka* (npr. projekti koji za cilj imaju ostvarivanje učinkovitog, sigurnog i održivog prijevoza roba smanjivanjem kretanja vozila, potrošnje energije i emisija stakleničkih plinova na najmanju mjeru studije postojećeg stanja javnog saobraćaja u gradovima i njegov utjecaj na kvalitet zraka; studije uvođenja biogoriva i plina u javni gradski saobraćaj; studije prihvatljive regulacije dostave roba u središtu grada; studije unapređenja željezničkog saobraćaja u FBiH i sl.);
- *Programi alternativnog korištenja postojećih izvora energije u saobraćaju* (npr. projekti ekonomičnijeg korištenja goriva u autima, korištenja povoljnijih vrsta goriva u cilju smanjenja štetnih emisija plinova u zrak i sl.);
- *Programi javnih ustanova i privrednih subjekata o uspostavljanju i unapređenju alternativnih načina saobraćaja* (npr. projekti izvođenja infrastrukturnih radova na izgradnji „Brze tranzitne šeme autobuskog saobraćaja“; projekti „carpooling“ i „carsharing“ tj. dijeljenje vozila; infrastrukturni radovi na unapređenju biciklističkog saobraćaja u urbanim sredinama)

2.2. Projekte koji se tiču poboljšanja, očuvanja i monitoringa kvaliteta zraka:

- *Projekti nadležnih organa uprave o poboljšanju, očuvanju i monitoringu kvaliteta zraka* (općinski i kantonalni projekti sadnje nove i revitalizacije postojeće dendroflore u ulicama i parkovima gradova; projekti monitoring stanica za praćenje kvaliteta zraka u urbanim sredinama na području FBiH i sl.).

III. KORISNICI SREDSTAVA KOJI IMAJU PRAVO NA PODNOŠENJE PRIJAVA

U svrhu namjenskog korištenja sredstava Fonda za zaštitu okoliša FBiH (u skladu sa *Zakonom o javnim nabavkama BiH*), na Javni konkurs mogu aplicirati javne ustanove i privredni subjekti koji su registrovani na području Federacije BiH.

Projekte izrade projektno - tehničke dokumentacije ne mogu prijaviti privredni subjekti čija je osnovna djelatnost projektovanje i pružanje konsultantskih usluga.

IV. USLOVI KOJIMA PODNOSIOCI PRIJAVE MORAJU UDOVOLJAVATI

Privredni subjekti i javne ustanove, kojima se dodjeljuju finansijska sredstva (korisnici), moraju ispunjavati sljedeće uslove:

- Da imaju sjedište na teritoriji Federacije Bosne i Hercegovine;
- Da ulažu vlastita sredstva u programe, projekte i sličnih aktivnosti;
- Da dostave ovjerenu izjavu o visini sredstava s kojima će korisnik ili drugi zainteresovani subjekt učestvovati u sufinansiranju realizacije dijela projekta koji predlažu za zajedničko finansiranje aplikanta i Fonda za zaštitu okoliša FBiH;
- Da jasno preciziraju vrstu projekta, vrstu radova/roba/usluga koje će se finansirati predloženim projektom;
- Da prihvate uslove zajedničkog sudjelovanja u sufinansiranju programa, projekata, i sličnih aktivnosti za koje se odobravaju sredstva Fonda propisana općim aktima Fonda;
- Prije zaključivanja ugovora korisnici sredstava su obavezni obezbijediti odgovarajuću garanciju za sredstva Fonda;
- Da zakluče ugovor sa Fondom o zajedničkom ulaganju u program, projekat, ili drugu aktivnost za koje se odobravaju sredstva Fonda.

V. NEOPHODNA DOKUMENTACIJA ZA SUDJELOVANJE

Sredstva iz Javnog konkursa po navedenim programima, dodjeljuju se na temelju prijave projekta/programa korisnika i obavezne dokumentacije. Obrazac za prijavu projekta i obrazac proračuna projekta mora biti popunjen na računaru na obrascima koji su dostupni na službenoj web stranici Fonda za zaštitu okoliša Federacije Bosne i Hercegovine (www.fzofbih.org.ba).

Obrazac za prijavu projekta, obrazac proračuna projekta i obavezna dokumentacija, trebaju biti dostavljeni prema redoslijedu sa prijavnog obrasca i poslana u A4 formatu koverta. Obavezna dokumentacija treba biti odvojena od dokumentacije za preporuku.

Aplikacija u cjelosti mora biti dostavljena u printanoj formi, i to u jednom originalu i jednoj kopiji, tvrdi uvez, sa numerisanim, ovjerenim i potpisanim stranicama od strane ovlaštene osobe. Na koverti, umjesto adrese, zalijepiti popunjeni obrazac aplikanta koji se nalazi na naprijed navedenoj web stranici.

Obavezna dokumentacija mora sadržavati:

1. Popunjen obrazac/prijavu projekta na Javni konkurs;
2. Popunjen obrazac finansijskog pregleda projekta;
3. Ovjerenu izjavu o namjenskom trošenju sredstava (ovjerena kod javnog bilježnika/notara ili nadležnog općinskog organa);
4. Ovjerena izjava o visini sredstava s kojima će aplikant učestvovati u sufinansiranju realizacije dijela projekta koji predlažu za zajedničko finansiranje aplikanta i Fonda za zaštitu okoliša FBiH (ovjerena kod javnog bilježnika/notara ili nadležnog općinskog organa);
5. Dokaz o registraciji aplikanta kod nadležnog organa (izvod iz sudskog registra za pravna lica);
6. Uvjerenja o poreskoj registraciji (ID broj i PDV broj ukoliko su PDV obveznici);
7. Dokumentacija kojom se dokazuje ispunjenje **svih** uslova iz člana 23. *Zakona o javnim nabavkama BiH*, i to:
 - 7.1. Pod stečajem ili pred likvidacijom, ili je ušao u određen aranžman s povjericom, ili je obustavio ili ograničio poslovne aktivnosti, ili je u analognoj situaciji koja proističe iz sličnog postupka u skladu sa relevantnim zakonima I propisima u BiH ili u zemlji u kojoj je registrovan;
 - 7.2. Predmet postupka za proglašenje stečaja, za izdavanje naloga za prisilnu likvidaciju ili postizanje sporazuma/aranžmana s povjericima, ili bilo kojeg sličnog postupka u skladu sa relevantnim zakonima I propisima u BiH ili u zemlji u kojoj je registrovan;
 - 7.3. Osuđen u sudskom postupku za kršenje zakona u smislu njegovog poslovnog ponašanja u period od 5 godina koji je prethodio datumu podnošenja prijave;
 - 7.4. Proglašen krivim za ozbiljan profesionalni prekršaj od strane nadležnog suda u period od 5 godina I da je taj prekršaj prethodio datumu podnošenja zahtjeva ili ponude;
 - 7.5. Nije ispunio obavezu u vezi s plaćanjem doprinosa za socijalno osiguranje u skladu sa relevantnim zakonskim odredbama u BiH ili zemlji u kojoj je registrovan;
 - 7.6. Nije ispunio obaveze u vezi s plaćanjem poreza u skladu sa relevantnim zakonskim odredbama u BiH ili u zemlji u kojoj je registrovan;
8. Ukoliko aplikant nije PDV obveznik, dostaviti uvjerenje;
9. Ovjeren set finansijskih izvještaja za 2011. godinu;
10. Potvrda o solventnosti aplikanta u zadnjih 6 mjeseci od objave Javnog konkursa, izdata od strane poslovne banke, preko koje obavlja najznačajniji dio transakcija;

Dodatna dokumentacija (ovisno od vrste i prirode programa) mora sadržavati :

LOT 1:

1.1. Projekti koji su od interesa za Federaciju BiH:

- Dokaz da se radi o većem projektu koji je od kantonalnog i/ili federalnog značaja, a koji je već kandidovan (od strane federalnih institucija zaduženih za upravljanje vodama) za realizaciju po osnovu međunarodnih kredita, fondova i sl.;
- Detaljna finansijska konstrukcija cjelokupnog projekta sa prikazom definitivno obezbijedenih sredstava;

- Dokaz o stepenu pripremljenosti za početak radova za segment za koji se sredstva potražuju od Fonda:
 - Projektni zadatak (u slučaju potraživanja sredstava za izradu projektne dokumentacije);
 - Odobrenje za izvođenje radova odnosno izjava o urađenoj projektnoj dokumentaciji.

1.2. Ostali projekti iz oblasti zaštite voda:

- Ukoliko se aplicira za izradu projektne dokumentacije, obavezno dostaviti projektni zadatak;
- Ukoliko se aplicira za izvođenje radova, dostaviti dokaz o spremnosti za početak izvođenja radova, a sve u skladu sa ranije pribavljenom dokumentacijom.

LOT 2:

2.1. Projekti koji se odnose na zaštitu zraka urbanih sredina u smislu smanjenja emisija štetnih plinova:

- Ekonomska opravdanost projekta i analizu situacije (SWOT analiza);

2.2. Projekti koji se tiču poboljšanja, očuvanja i monitoringa kvaliteta zraka:

- Za programe uspostavljanja i unapređenja alternativnih načina saobraćaja, te projekte koji se odnose na sadnju nove i revitalizaciju postojeće dendroflora u ulicama i parkovima gradova, neophodno je dostaviti sljedeće dokumente uz aplikaciju:
 - Za izradu PTD dostaviti projektni zadatak i izvod iz regulacionog plana za planirani obuhvat;
 - Za izvođenje radova svu obezbijedenu PTD ili izjavu da je postupak izdavanja odobrenja u toku;
 - Potvrdu nadležnog kantonalnog ministarstva da je projekat u skladu sa planovima i strategijom u kantonu, naročito kada se radi o monitoringu.

Neobavezna dokumentacija:

- Podrška projektu od strane lokalne i/ili šire društvene zajednice (Vlade, kantona ili općine) i/ili institucije;
- Dokaz da je projekat dio međunarodnog (prekograničnog) programa ili projekta. Ukoliko projekat nije međunarodnog karaktera, dostaviti izjavu o istom;
- Materijali, publikacije, novinski članci, te ostala dokumentacija koja ilustrira rad aplikanta, kao i preporuke drugih pravnih subjekata.

VI. OPĆE ODREDBE

Obrasci za prijavu po ovom Javnom konkursu, mogu se preuzeti na web stranici Fonda za zaštitu okoliša FBiH www.fzofbih.org.ba. Na koverti, umjesto adrese, zalijepiti popunjeni obrazac aplikanta koji se nalazi na naprijed navedenoj web stranici. Prijava za učestvovanje s obaveznom projektnom dokumentacijom, dostavlja se lično ili putem pošte na adresu:

Fond za zaštitu okoliša Federacije Bosne i Hercegovine, ul. Hamdije Čemerlića 39A ,71 000 Sarajevo u zatvorenim kovertama sa naznakom:

„PRIJAVA NA JAVNI KONKURS – LOT br: ____ Program br: ____ - NE OTVARAJ“

Rok za podnošenje prijave je 30 dana od dana objavljivanja Javnog konkursa u Službenim novinama Federacije BIH.

Rezultati Javnog konkursa o izboru korisnika sredstava bit će objavljeni na službenoj web stranici Fonda www.fzofbih.org.ba i „Službenim novinama Federacije BiH“, u roku od 15 dana od dana donošenja Odluke Upravnog odbora o dodjeli sredstava korisnicima.

Prijave s nepotpunom dokumentacijom, podneseni nakon roka i utvrđene forme, neće se razmatrati.

Važne napomene:

1. Aplikant na jedan program može konkurisati samo jednim projektom.

2. U koverti može biti samo jedan projekat. Ukoliko jedna koverta sadrži više projekata, aplikacija se odbacuje.
3. Da bi aplikant ušao u konkurenciju za odabir na Javnom konkursu, mora ispuniti pravno-formalne uvjete iz ovog javnog oglasa.
4. Svi dokumenti koji se predaju uz obrazac prijave projekta kao dokaz o ispunjavanju kriterija sudjelovanja iz ovog konkursa, moraju biti originali ili ovjerene kopije, ne starije od tri mjeseca.
5. Dokumenti koji se šalju na Javni konkurs, ne vraćaju se aplikantu.
6. Neadekvatno popunjene prijave i nekompletni zahtjevi se neće razmatrati.
7. Fond ne snosi nikakve troškove aplikanta, nastale sačinjavanjem i predajom aplikacije, i aplikant nema bilo kakva prava na naknadu bilo kakvih troškova po osnovu učešća na ovom javnom konkursu.

Sva eventualna pojašnjenja po pitanju ovog konkursa mogu se dobiti putem e-maila: info@fzofbih.org.ba.

Direktor

Safet Harbinja